

JP NIO SLUŽBENI LIST BiH  
SARAJEVO

Broj: 5-1-05-1-39/8-21  
Sarajevo, 24.02.2021. godine

Na osnovu čl. 69. stav 2 tačka d), 70. i 71. Zakona o javnim nabavkama Bosne i Hercegovine („Službeni glasnik BiH“, broj 39/14), člana 23. Statuta JP NIO Službeni list BiH, te prijedloga Komisije za javne nabavke broj:5-1-05-1-39/7-21 od 24.02.2021. godine u postupku javne nabavke usluge podrške i održavanja aplikativnog softvera informacionog sistema, podrške i održavanja sistemskog softvera i resursa potrebnih za neometano izvršavanje aplikacija putem otvorenog postupka, donosim

**ODLUKU**

o poništavanju postupka javne nabavke usluge podrške i održavanja aplikativnog softvera informacionog sistema, podrške i održavanja sistemskog softvera i resursa potrebnih za neometano izvršavanje aplikacija

**I**

Poništava se postupak javne nabavke usluge podrške i održavanja aplikativnog softvera informacionog sistema, podrške i održavanja sistemskog softvera i resursa potrebnih za neometano izvršavanje aplikacija putem otvorenog postupka iz razloga predviđenog članom 69. stav 2 tačka d) Zakona o javnim nabavkama Bosne i Hercegovine-nijedna od primljenih ponuda nije prihvatljiva.

**II**

Ova odluka će se objaviti na web stranici [www.sluzbenilist.ba](http://www.sluzbenilist.ba) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

**III**

Ova odluka stupa na snagu danom donošenja i dostavlja se svim ponuđačima koji su učestvovali u postupku nabavke u skladu sa članom 71. stav 2. Zakona o javnim nabavkama BiH.

**OBRAZLOŽENJE**

Ugovorni organ je na osnovu Odluke o pokretanju postupka nabavke usluge podrške i održavanja aplikativnog softvera informacionog sistema, podrške i održavanja sistemskog softvera i resursa potrebnih za neometano izvršavanje aplikacija putem

otvorenog postupka za koje je objavljeno na Portalu javnih nabavki obavještenje o nabavci broj: 195-1-2-17-3-7/21 od 29.01.2021. godine, proveo postupak nabavke.

Procijenjena vrijednost nabavke bila je 105.000,00 KM bez PDV-a.

Nakon isteka roka predviđenog za dostavljanje ponuda, Komisija za javne nabavke (u daljem tekstu: Komisija) je u Zapisniku o zaprimanju ponuda od 18.02.2021. godine konstatovala su u roku pristigle slijedeće ponude:

1. Ponuda ponuđača „NEXTVISION“ d.o.o. Sarajevo, broj protokola: 5-1-05-1-39/2-21, dostavljena 15.02.2021. godine u 13.30 sati.
2. Ponuda ponuđača „ADDRESS“ d.o.o. Sarajevo, broj protokola: 5-1-05-1-39/3-21, dostavljena 18.02.2021. godine u 10.30 sati.

U postupku analize pristiglih ponuda Komisija je u Zapisniku o pregledu i ocjeni ponuda, broj:5-1-05-1-39/6-21 od 24.02.2021. godine koji se dostavlja kao prilog ovoj Odluci, utvrdila da nijedna od pristiglih ponuda nije prihvatljiva za ugovorni organ, kako slijedi:

1. Ponuda ponuđača „ADDRESS“ d.o.o. Sarajevo odbacuje se iz slijedećih razloga:

Uvidom u ponudu ponuđača ADDRESS d.o.o. Sarajevo utvrđeno je da je u Obrascu za cijenu ponude navedena jedinična cijenu u iznosu od 82.649,57 KM bez PDV-a a ista cijena je navedena i kao ukupna cijenu ponude. **Kako je u Tenderskoj dokumentaciji a u skladu sa članom 17. Uputstva o pripremi modela tenderske dokumentacije i ponuda propisano da se jedinična cijena ne smatra računskom greškom, odnosno ne može se ispravljati, pravilnim množenjem jedinične cijene sa količinom od 36 mjeseci dobije se ukupni iznos od 2.975.384,52 KM bez PDV-a a ne iznos od 82.649,57 KM bez PDV-a.** U skladu sa tim ponuđaču je upućeno Obavještenje broj: 5-1-05-1-39/4-21 od 23.02.2021. godine sa zahtjevom za ispravku, na koje je ponuđač odgovorio Pojašnjenjem broj:41-1/2021 od 23.02.2021. godine. U Pojašnjenju ponuđač citira odredbe Tenderske dokumentacije, ali nigdje nije naveden prihvrat računске greške jer je činjenica da je u Obrascu za cijenu ponude navedena jedinična cijena u iznosu od 82.649,57 KM bez PDV-a a ista cijena je navedena i kao ukupna cijenu ponude, što nije ispravno jer je u Obrascu data količina od 36 mjeseci te se jedinična cijena množi sa količinom kako bi se dobila ukupna cijena. Budući da ponuđač nije prihvatio ispravku greške, ista ponuda se odbacuje u skladu sa članom 68. stav (4) g). Zakona o javnim nabavkama.

2. Ponuda ponuđača “NEXTVISION” d.o.o. Sarajevo odbacuje se iz slijedećih razloga:

Ponuđač u ponudi nije dostavio potvrdu kako je propisano tačkom 7.3 Tenderske dokumentacije:

„Što se tiče ekonomske i finansijske sposobnosti, u skladu sa članom 47. Zakona, ponuda će biti odbačena ako ponuđač ne ispuni slijedeće minimalne uslove a koji se mogu potvrditi sa dokazima iz člana 47. Zakona a to su:

a) da glavni račun nije bio blokiran u zadnjih 6 mjeseci.

7.3.2 Ocjena ekonomskog i finansijskog stanja ponuđača će se izvršiti na osnovu dostavljene izjave ovjerene od strane ponuđača, koja se dostavlja u formi utvrđenoj Aneksom 7 tenderske dokumentacije i dostavljene obične kopije slijedećih dokumenata:

a) Potvrda poslovne banke u kojoj ponuđač ima otvoren glavni račun, da glavni račun nije bio blokiran zadnjih šest mjeseci.“

Ponuđač je u svojoj ponudi na strani 18/19 dostavio kopiju Potvrde o solventnosti transakcijskog računa broj:00347/21 od 09.02.2021. godine. U potvrdi se nigdje ne navodi da je riječ o glavnom računu, nego samo o transakcijskom računu što je u suprotnosti sa tačkom 7.3 Tenderske dokumentacije te se ponuda odbacuje u skladu sa članom 68. stav (1) Zakona o javnim nabavkama.

Članom 69. stav (2) tačka d). Zakona o javnim nabavkama propisano je da je ugovorni organ obavezan poništiti postupak javne nabavke u slučaju da nijedna od primljenih ponuda nije prihvatljiva.

Cijeneći navedeno Komisija je predložila ugovornom organu da donese Odluku o poništenju postupka nabavke.

Na osnovu ovog prijedloga Komisije za javne nabavke, donesena je odluka kao u dispozitivu.

#### **PRAVNA POUKA:**

Protiv ove Odluke može se izjaviti žalba najkasnije u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine, putem ugovornog organa u pismenoj formi direktno, elektronskim putem ili preporučenom poštanskom pošiljkom na adresu: Džemala Bijedića 39, Sarajevo. Žalba se podnosi u najmanje 3 (tri) primjerka.

#### **DOSTAVLJENO:**

1. Svim učesnicima u postupku nabavke
2. Komisiji za javne nabavke
3. a/a.

**DIREKTOR**  
Dragan Prusina